

25.06.2025

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Naatsorsuutit akuerineqarnikuni kingulliusoq naapertorlugu, "Greenland Airports - Mittarfeqarfiit A/S" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat?
2. Ukiut siulii naatsorsorsinnaasat tamakkerlugit katikkaanni, "Greenland Airports - Mittarfeqarfiit A/S" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat? Uani, naatsorsuuseriaaseq naapertorlugu, minnerpaamik ukiut 5 kingulliit katillugit akeqquneqarput.

(Inatsisartunut ilaasortaq Pele Broberg, Naleraq)

Tunngavilersuutit:

Suliffeqarfiutigit kiisami ammasumik isertuaatsumillu ingerlatsisinnaalerniassammata, ingerlatsivillu inuiaqatigiinnit tamakkiisumik pigineqartoq "Greenland Airports - Mittarfeqarfiit A/S" qanoq annertutigisumik namminersortut soqutigisaannik anguniagallit kattuffiannut "Grønlands Erhverv"-imut aningaasartuuteqartarnersoq paasisinnaalerniassagatsigu, apeqqutit ukua ingerlateqqinneqarput.

Apeqqutigineqartut ullut suliffiusut qulit (10) iluanni allakkatigit akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.



Inatsisartunut ilaasortaq, Pele Broberg, Naleraq
/Maani

§ 37 naapertorlugu apeqquummut nr. 2025-82-imut akissut

02-07-2025
Suliap normua 2025 - 391
All. normua. 22954855

Inatsisartut Suleriaasianni § 37, imm. 1 naapertorlugu Kalaallit Nunaanni Sulisitsisunut aningaasartuuteqartarneq pillugu Naalakkersuisunut apeqquteqarputit.

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
Mail: govsec@nanoq.gl
www.naalakkersuisut.gl

Apeqqutigineqartut tullinnguuttuni akineqarput.

Apeqqut 1. Naatsorsuutini akuerineqarnikuni kingulliusoq naapertorlugu, "Greenland Airports, Mittarfeqarfiit A/S" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat?"

Akissut: § 37 naapertorlugu apeqqutigineqartut akiniarneranni Greenland Airports, Mittarfeqarfiit A/S-imut akissutissanik piniartoqarsimavoq taannalu imaattunik akissuteqarpoq:

"Ukiumi naatsorsuusiortiusumi 2024-mi "Greenland Airports - Mittarfeqarfiit A/S" suliffeqarfissuurtut Kalaallit Nunaanni Sulisitsisunut 164.000 kr.-nik aningaasartuuteqarpoq"

Apeqqut 2. Ukiut siulii naatsorsorsinnaasat tamakkerlugit katikkaanni, "Greenland Airports, Mittarfeqarfiit A/S" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat?" Uani, naatsorsueriaaseq naapertorlugu, minnerpaamik ukiut 5-it kingulliit katillugit akeqquneqarput.

Akissut: § 37 naapertorlugu apeqqutigineqartut akiniarneranni Greenland Airports, Mittarfeqarfiit A/S-imut akissutissanik piniartoqarsimavoq taannalu imaattunik akissuteqarpoq:

"Greenland Airports - Mittarfeqarfiit A/S pilersinneqarpoq Kalaallit Airports Holding A/S-ip suliffeqarfiullu siusinnerusukkut namminersortitap Mittarfeqarfiit ataatsimoortilernerisigut. Suliffeqarfiit marluusut ukiut tallimat ingerlaneranni suliffeqarfissuurtut naatsorsuusaat naapertorlugut, suliffeqarfissuarmut ukiuni

*kingullerni tallimani (2020-2024) katillugit 367.000 kr.-t Kalaallit Nunaanni
Sulisitsisunut aningaasartuutigineqarsimapput.”*

Inussiarnersumik inuulluaqqusillunga



Jens Frederik Nielsen